

張

季

子

詩

錄

張季子詩錄卷八

自光緒二十四年戊戌訖二十七年辛丑錄五十首

南通張 齊

戊戌正月十八日兒子怡祖生志喜

生平萬事居人後開歲初春舉一雄大父命名行卷上

乙酉順天鄉舉履歷先子豫命今名家人趁喜踏歌中亦求有福堪經亂

不定能奇望作公及汝成了我周甲摩挲雙鬢照青銅

奉送松禪老人歸虞山

蘭陵舊望漢廷尊保傅艱危海內論潛絕孤懷成衆謗

去將微罪報殊恩青山居士初裁服白髮中書未有園

煙水江南好相見七年前約故應溫

題華亭耿伯齊海山靈夢圖

三泖五茸旁機雲有草堂風流未容歇門譽遠相當
死通靈款神仙不渺茫寧無悲馬磨豈解愧參商
夢中登陶然亭

往來京國十年勞坐覺江亭爾自高檻底殘陽山歷亂
簷端驚雨樹刁騷津梁歌哭終憑寄裙屐嬉娛儘有曹
欲去蒼涼重回首東邊壇宇倚天牢

贈宗室伯菴庶常壽富

才難未覺古人同天意寧教四海窮坐閱飛沈吾已倦
禁當非笑子能雄商量舊學成新語感慨君恩有父風

但使騫騰猶等輩要回魯日更朝東

留別仲弢

拂衣去國亦堪哀辛苦男兒草莽來直分儒冠稱溝壑
何知人海戰風雷嶽崎似我歸猶得祿養憐君氣益摧
閩縣已亡丁沈散更誰相煦脫嫌疑

都門別李磐碩

少年角逐共文場京邸重逢各老蒼亦以生涯憐顧范

顧延卿
范肯堂

每因才調感朱王

朱曼君銘盤
王養梅尤

家貧宦隱

都難好世亂溫恭要有常早晚僮尋鄉里約荷鋤同看

海東桑

姚太夫人壽詞

同歲徵才子江南得二姚
皇衢驂腰裏絕域誦天驕
義訓嚴君懷虛聲策士消白華
馨爾膳真覺養堂超

奉和瑞安先生二木歎

作噩之歲膠澳陞盲風忽卓單
鷹旗碧瞳睽睽羣巖覺
毀摧聖象成雛嬉此語一日聞
京師諸儒訟請責問辭
內木曰咄外木哈盜鐘掩耳騰其欺
愁山老人奮直筆
家父凡伯攀周詩傳聞歐美尙教化
畢斯麥亦曾之者
此舉乃類盜賊爲治兵無律猶吾崔
固知天心未厭亂
群教混混陽陰疑終有一是定百非
六經大道天網維

仲尼日月何傷夷尊奉原不到狗雞吾將刺彼畢斯麥
彼二木者惡當之

呈松禪老人

樓臺無地相公歸借住三峯接翠微濟勝客輸腰脚健
憂時僧識鬚毛非尙湖魚鳥堪尋侶大澤龍蛇未息機
正可齋心觀物變蒲團飽喫北山薇

題陳氏焦桐滌硯圖

錢陳舊閱乾嘉代遺卷風流儼百年一束苞根時變亟
幾家喬木世臣賢小儒遭際真須命故事流聞亦自妍
二老東南頻寄問巍巍純廟是堯天

過太平橋

舊場廟外太平橋
踈柳叢蘆漸向凋
林月濛濛天影壓
岸風颯颯漲痕消
乘除世變疑千劫
游釣童時亦兩朝
感逝弔亡成底事
漁燈蟹火儘無憐

曉出江寧

曉色啓重闔
寒光動路塵
雪消山判脊
水坼澗張鱗
竭蹶淮南振流離
道左民出城
時一概等是未閒身

州城書所聞四首

近郭曾聞逐馬嘶
馬餐豆麥不能肥
年來比戶差安穩
號馬三營日漸稀

總兵高興治園亭卒走官馳未許停皮骨縱能要樹石
朕舖端合帶罌瓶

笳鼓喧喧列仗寒新郎騎出萬人看莫嗔圍隸霜衢蹶
軍令朝厨禁賞餐

例規未與額兵裁攤扣差錢按日開沙布蕩柴剛納罷
石油蒲醬又輸來

蓄須

齊齊髮覆額易非曾幾時但憑鏡中顏坐驚日月馳阿
兄三十八作令便有髭弟也四十二纔脫衆試羈前年
一至京解官休蓬茨翰林要美好田父寧有媿艱難望

嗣息前年已生兒要作阿翁樣
鑷鬢羞自欺屠維大除夕
袂舊梳與銳歲在子正月元日春所祺
以茲吉祥願自媚新茲壯語謝姬侍男兒
重須眉須成當畫象寄與蘇溪涯

奉送新寧督部入朝

戊己堂堂兩奏傳

戊戌八月二十七日公奏有伏乞皇太后皇上慈奉相孚以慰天下臣民

君臣之體來以進退之義止語海內傳誦勛名况自中

與年主恩新賜黃銀美時論終歸赤舄賢豈有夔舉容
老退應無牛李到公前鋒車江上來還日堯日輝輝定

滿天

二月十五日雪

百蟄已萌動天地胡積陰夾鐘應葭管橫被大呂侵同
雲昏六合盡日飄旋葵頰亦華草木覆沒松杉青饑鳥
啁簷瓦万雀僵空林老農測分寸懼與牛目平云防麥

根腐澌澌螯首森

海上老農言臘雪味苦春雪則味甘又

云臘雪長麥根
春雪爛麥根

茲晨豔陽節覘晷須臾臨默坐待消化

助我春江深

次日仍雪

三月雨雪書失時傳有其說人知之二月方半豈足異
適有事會森憂危昨夜沒屋瓦今晨堆階墀新竹已摧

折杉松亦離披連晝徹夜苟不止得毋百物皆殘糜漢
儒春秋有家法盛陰剝陽誰之爲吾君好仁協青帝志
登民物春臺熙以閒養病亦大孝眷佑定荷皇天慈去
冬仲季跨月雨且陰且雪迎春淒臘月有詔建儲貳正
且復詔開秋闈吾君景福無不宜書春大雪臣哉思
堦興十首

桐樹三年長新看出屋梢賴能支夕照不歧鳳來巢
爛漫海棠嬌一月見首尾裁汝試花時草堂猶障葦
紅葉竹闌扶薪苞暗自舒辛勤耐風雨祇是殿春餘
種籐蔽柳枯理籐解柳縛調停復調停柳在籐有託

廢宅離離柿疑年衆樹尊不同橙木長容易露虬根
群鳥日夕至新篁更闢園由來非寂處不厭四時喧
向晚觀魚會憑橋唾不聲沈沈人影定細細水紋生
雉起忽驚人山東入西薄水邊一鷺鷥忘機自拳脚
惡獺苦相逼年來關鴨稀獵人張網祝射得獺應肥
携稚日林下看花與果嬉無訛詩所惜更待幾年知

贈日本西村子雋

時彦

舊知進一與岡千

竹器進一岡千
切

子復新詩手自編

游學遠徵唐史傳觀風來識禹山川輔車終古存虞鑒
縞紵從今愛札賢倚劍中宵同不寐長安三輔正烽煙

贈陳伯嚴吏部 三立

西江健者陳公子流輩論才未或先人海無端千劫過
京塵相惜十年前崎嶇吳楚頻移舍唐突燕雲正控弦
長歎新亭都寂莫強開淚眼對山川

江生謙重慕其族祖慎修先生弄丸圖遺象請題因爲
生勗

聖清聖祖真聖人囊括六菽恢天鈞廟堂大官半儒者
絕域異教來稱臣黃山白嶽會雲雨中有真儒起巖戶
仰闕漢宋挾障翳俛挈戴金張知死切旂鼓康乾鴻博屢
徵賢獨抱遺經謝珪組同時不見畫盃備身後寧知秦

文恭日日弄丸深山中亞細亞洲蟻蜂雄

先生自題詩

嶽胡牀野服白羽扇七十猶是鄉里翁作圖偶然付畫
手即非架足亦不工况經流傳說兵燹重摹粉面觀河
同裔孫曰謙重祖德奉鬪示我三歎息要知生世際休
明便以腐儒終亦得我今散髮棲蓬蒿期於謙也心切
切但通家學亦英絕先生遺書連屋高

歸安金鞏伯城印譜辭

羸秦變古文八體有摹印漢律試學僅令史以最進新
莽頗改作繆篆用實近其時丞相侯將軍亭縣郡下及
私家章一一出工亦鍾傳自鐫碑要不試方寸元始苗

新法吾邱列舉論文何樹兩幟蒼堅儷秀雋海陽矯流
失一意驚端峻爭長自薛滕代興迭齊晉俗工詡妃合
騶御並駑駿或乃湊蛇足而與截鶴脛破碎固不堪植
枿尤可恨平情去愛憎一節校疵病小者儻容媚大者
寧取鈍邇來趙搗叔樸茂見高韻斯人慟不作徒使金
石墜蔑蔑菟事微生才天豈靳駢明枝於仁膠擾翁世
運金生清妙才篆刻蓄天分辨體向平直運鋒量遲迅
窺覷古人處不許俗情趁爲我治五石兼示管所應漢
白與元朱佼佼各自勝聘足得夷途安心究歸命博奕
未云賢鼎鐘且當奮稽留與龍沮漫然足茅勁

鳩巢詩

鵲巢高柳嫩鳩巢梅中間鳩巢似帽仰而塌鵲巢團團
門戶完開門向西北今年南風朝復朝夕復夕養子四
五毛未燥不能自覓食雌呼其雄鼓兩翼一鳩無偶毛
悅澤飽便歸坐飢一出飢亦幾何所需無多拙者安拙
巧者愛自磨不見鳩鵲相代移其家

啄木 憂妖亂將作也

種柳四十霜高及八九丈圍可抱兩人蔭周一畝廣露
餘足晨清風始延夕爽擇枝任巢鵲欲下下上上未堪
股被夷元氣受天枉何物啄木鳥利齒翽醜黨雄者黝

碧襟雌者且赤穎特能畫符籙呪蟲出就吭朝朝復暮
暮洞穴至三兩嚴然據窟宅歲月子孫長咋咋屢探頭
拳拳欲試拳似爾孳育繁肘腋奸彌養僮奴奮獒升捉
禁不刺剽縣籠厲羣翔罰焉云示榜罰薄詎足懲枝條
悴搶攘

憎鳥 剡時相也

昔汝來巢以爲祥東南西北巢相望主人鹿鳴歌於鄉
遂不汝厭任羣翔攫雛竊肉朝夕啞啞囂且狂主人培
中樹成行鵲鳩鷓鴣百舌燕雀咸槍槍與汝上下搶槍
枋就中鳩也尤馴良卑枝託巢深蔽藏巡邏時立高枝

旁何嫌何怨丁汝殃鼓翅撲樹風雨磅巢不待覆已踰
躑卵已噙目猶怒張鳩自引避寧敢當由來弱肉命縣
強世上亦無真鳳皇汝族自大連太陽鳩上訴帝迷天
閻主人睨側滋旁徨便須操弓挾彈誅彊梁鵲鳩鸚鵡
百舌燕雀安知不被飛彈傷烏可憎非尋常

右臂患風微變讀蘇堪寄丁恒齋詩意甚解脫因和其
韻寄恒齋

莊周昔論道特重支離疏其於形德間往往解天拘丁
生求名實用意介墨儒搖精而勞思一病歸江湖右體
痺不舉左與持而扶勞生以養生未脫文字笈鄭生妙

語言神識超項軀謂生有不病病乃生所通其旨一萬
物其言不枝梧別來僅一歲生病忽到予漸能掣擊物
差未妨作書舉室物醫藥虛臂成枯株而我一笑示用
右恒左舒勞逸代進退寧當秦越殊不損蛻冠帶不札
辭人奴儘有尊者存遺土真區區嚮言中風溼試問鱗
然乎雞彈委造物首脊安生無儻能即相視鑑井招黎
輿

聞李磐碩挈家自京師至濟南感賦十六韵

念子丁時難書來五月中其初見妖肯猶未遑剿攻北
極雲頹墨南城燹擊虹四旬音不嗣百險道難通一穴

全隄腐連兵列國雄坐挑秦使燬誰殲舜廷凶塗炭胥
三輔水霜迫兩宮和爭紛催濟乞免屢溫嵩剪卓今無
允論袁昔有融徙家圃九陌走壁竊諸公豆粥俱奇貴
柴車憫獨窮何緣辭闕下遂許達山東沸沸漕河浪炎
炎暑路風妻孥同命鳥身世可憐蟲得訊愁成誑求徵
悟匪讐祇虞荆棘裏脫色已銷銅

恒齋寄所畫扇題曰山水虛深茲境足吾兩人徜徉否
詩以答之

恒公畫意如冰雪寄我霜紈秋尙熱對之獨坐適生涼
山水虛深存此說滄江日夜流潺潺君山狼山疑可攀

中間或有避秦處曷棹孤篷相往還
王五丈自合肥寄詩見懷依韵奉答

泥上巍然老輩存書來舊夢一重溫儘收海氣歸詩卷
遙想霜髯照酒尊原信何人猶好客應劉無地爲招魂

謂吳武壯
朱曼君

蒼涼久已拋簪紱落日風煙况爾昏

題縮景碧玉十三行

二十四五年前在江寧見曾惠敏用西法攝影臨州
李氏靜娛室藏本有翁覃溪小字題記甚精即此本
也今又縮十之八松禪老人詩云芙蓉閣上珠光艷
機密房中酒興長今日山河已殘破有人鐫刻十三

行寄慨不少因和其韻

蘇齋舊跋靜娛藏惠敏江南影本良幾許乾坤收縮了
等閒過眼十三行

萱閣課讀圖爲薛四署正葆榿作

燈影機聲外人間復此圖劬勞企賢母悲感到吾徒祿
養曾虛仕門基轉累儒寸心顛頓甚世路况崎嶇

薛烈婦哀詞

烈婦彭氏全椒薛怡澍大令第二子辰彬之妻桑根
先生之孫婦婚半載而辰彬病又十餘月而卒殮之
夕烈婦殉焉年二十

張季子詩集卷八
同命迦陵鳥傷根獨活花殘鑑容合
醜棄櫛未遑髮吾友哀佳婦貞儀重
世家天應鑿荀采人更及秦嘉

書堂

書堂昨與刺蒿萊短榻低檠獨自陪
簷靜月窺雙燕宿牆高風墜一螢來
誰家簫鼓能爲樂見說鑿輿尙未回
我亦栖遲空向老六年塵跡在莓苔

竹孫爲畫枯樹荒腔一牯牛二吳羊
於扇戲題

黃牛走散牯牛在吳羊得羣山羊飛
社櫟凋盡蔽不得海上荒腔秋草肥

東隄

西北天都曠東南地更悠
映空蒿若樹竦遠屋如舟
導
雷憑黃壤看潮但白頭
明年年五十晚矣事農謀

蒿枝港

我皇御極初海東連苦潦
方里五六百沙田萬家繞
溝
滄不相貫阻絕尾閭道
夏秋三日雨濁浪起豆秒
三年
兩不登饑饉憂父老權輿
戊寅歲循灘測滌渺委宛
趁
窪流譬若卜巫琰萬雷從
之施豁然寫露瀉遂與滄
海
通儼若衆流表萬事自人
力何者關有昊有司但徵
賦
餘瀝恣醉飽我來營墾收
百喙迭震撓膏煎正自取
於
人亦何惱青青蒿叢根潮
汐記昏曉坐覽海東雲萬
里

冥白鳥

海神廟

黃海河營汎丹宮廡角沙

期東有

南即大角

汎

乘除百年

局新故萬農家轉漕雲帆改彰靈藻勝華

尤世拔濟

純廟賜

經營各有意神教衆無譁

辛丑李襄之先司初設委

張季子詩錄卷八終

張季子詩錄卷九

自光緒二十八年壬寅訖二十九年癸卯錄四十八首

南通張 謇

初春海蕩見蘆花

海東無柳應無絮
鷺見蘆花作絮飛
寒盡點空疑臘雪
風低弄影試晴暉
陳根腐葉潛相惜
秋燕春鴻勢已違
藉汝略酬花事願
黏泥拂水亦芳菲

春愁

春風先到海東頭
蘆筍茅鍼次第抽
不見垂楊管離別
人間何處有春愁

野色

野色乍陰晴荒寒四面生月光因霧濕海氣忽山橫祇
覺諸孤興誰來託耦耕栖栖猶未已俯仰愧逢萌

益原來訊論學事喜寄以詩

我方相待子書來學說分明有取裁最慰別離能見道
寧隨噂噉共論才青天白日斯文在絕壑沈陰夜氣回
儻助釣鼈東海上漸江早晚一帆開

喜雨

十雨七逢夜朝陰午輒晴節宣勞者意張弛老夫情日
漏雲光駸風回海氣平即看尺澤下隄土亦充盈

屢出

屢出眞成慣孤懷亦自遙
小車猶擇路獨木已當橋
鵝影中霄月蛙聲半夜湖
無人能共語默默斗旋杓

山陰婁壽之道服小象

少年慕道如支許中歲談元輩
謝王畫裏歸心向巖壑
洛陽何似會稽鄉

巾拂脩然一道民乞書錯認右將軍
不知墨礦村池裏
能換經鸞有幾羣

爲顧石公題松華江踏雪尋詩圖

王氣何曾滅江山表極東
詩人睠陳跡畫筆起悲風
狼虎天難厭狐貂地漸窮
祇應留此本長對酒杯雄

明楊龍友秦淮雪後泛舟圖

圖有程松圓詩茅止生篆首詩後記萬歷四十七年臘月二十五日秦淮暴溢案史萬歷朝災異最夥而此事不載不知志乘有無自頃庚子二月十六日大雪直客授江甯今二月初六七日亦大雪繼以陰雨澹旬不輟復以事至江甯奮筆題此不自知百感之橫集也

地震山崩河水竭廟焚陵汨都門灾神宗卅八年類見異事尋常冬溢淮榛蕪已變赤磯路絃管那識青溪隈無限興亡盡圖裏花朝風雪送愁來

王司直屬壽其季父旭莊太守仁東

旭莊時知通州逾其五十初度已二年矣成詩六韵
京國交游轍江湖浩蕩塵相從再三歎幾閱八千春何
世容柄遁成翁亦苦辛詎論鳳池奪差喜虎符新感樂
能求治聰明道愛人願言君子壽我亦是州民

贈日本篠澤南岳翁

翁名恒字君成晚號南岳父亦漢文名家翁著日本
通史探奇小錄文筆脩雋子元造亦重漢學日人謂
翁三世儒家

海色西來滿眼前神山樓閣瞰吳船誰知白髮松窓下

猶抱遺經說孔傳

村山隆平上野理一西村時彥三君招飲網島金波樓
席罷賦詩呈同坐諸君

金波樓在淀川曲處隔岸即造幣局土人稱爲耐字
主人澤姓自其先之營此業至今十七世閱三百年
矣未嘗遷徙唯前爲平屋明治初變法後始改爲樓
庭前老梅幹大幾及尺而中空東以鐵帶橫斜矯健
饒有古趣簷角一小松秀出天然百年後異材也宴
客之堂廣十八席陳設精雅不似酒肆坐上小山健
山諸君皆長者也

浣川川上畫樓多樓外嵐光映叵羅接席相忘天詆蕩
岸巾強復醉嵬峩北聽絕徼悲濤涌西望滄溟落日過
星月漸明燈漸上從容良會記金波

喜見西村君於大阪

握手重言笑霜華鬢已催艱難五年別辛苦百憂來古
義尋僑札當筵識馬枚

謂內藤
虎次郎

莫談王霸畧且覆掌中

盃

札幌

四遠山圍札幌皋荒荒草木萬重毛軒眉未覺東隣富
舉首還看北斗高

通州海門當緯度三
二札幌當緯度四十三

鄭罕棖崩終

懼厭幼安慮在未容逃生平倒海傾河意說向中原換
結艷

一人

一人有一心一家有一主東家暴富貴西家舊門戶東
家負債廣田原西家傾家壽歌舞一家嗚嗚一嘻嘻一
龍而魚一鼠虎空中但見白日俄海水掀天作風雨

題青森中島旅館

青森旅館推中島最好房櫺十五番牆外群峰隨海現
庭陰一沼覆花繁喜隨客燕尋巢至愁聽飢鳥索食喧
鴻爪匆匆泥壁上他年留證再來痕

華歷閏五月二十三日日本伊藤博文復代桂太郎入

內閣紀事

鳥獸亦有群朋黨性情事與盜掩耳鑿密各表其幟日
風故任俠黨多自明治道同旅進退明白不曾秘竭來
輿論囂紛紜在國計增稅與募債並策強隣備忽傳伊
侯相號外日本新聞特別播郵置民附國益險正須治
撫字鄭僑昔爲政本心主恭惠毋使觀樂賓旁慮不堪

細

大久保村

徑石都齟履林風屢灑襟乏餘知惜馬譯苦愛聽禽殊

域寄辭僻斜陽易起陰富山如謝客障隔萬重深

松永道中

山水孕自造物雄靖洲見者疑人工巖瑯谷激出風雨
海色八面磨青銅有時映帶列遠近有時獨秀洪濤中
有時危綴樹一粒有時密密樅杉籠乃至梯田與柴落
谿橋神社無名瀾一一摹寫有陳本界畫鉤勒殊不同
我來未暇事幽討徧尋勝地支吟筇但從舟車目所到
欣賞已足酬塵孽神州大陸廿二省各有山水名其封
經營位置盡如此圖冊寧許更僕窮故知侏儒表一節
景物端與政事通山經地志祖禹貢當年疏奠誰之功

推書撲筆仰天歎冥想著我陶輪中

紀行二十六首

海上神山不渺茫麻姑親自見滄桑船過弱水頻前望
五島林間麥正黃

巖壑都疑斲削成園亭臺沼位滄瀛直將院本傳唐宋
鈎染重重界畫明

朱明隆武紀弘光絕域求援事可傷破舫金甌誰挈汝

更堪乞佛拜東方

長崎東明寺佛殿有明隆武元年大陣相對使黃斌題榜

長崎羣島碧巉巖最好中穹角力岩斷靄流雲封不住

夕陽透影上漁帆

平戶村燈列萬星碧波中有戰場燐後人未可輕蒙古
印度曾窮拏破命

是誰亟續貴和篇遺恨長留乙未年第一游人須記取

春帆樓上馬關前

乙未定約在馬關春帆樓旅館

紀功礮彈卓碑題月歲征清字可稽底事不隨風雨去
化爲圓屋徧巴黎

愛國先教稚子歌畫沙亦解認山河生憎卅載中朝使
浪費揮金鐵甲多

疏鑿琵琶自北垣農工賴澤萬人喧當時謠誅知何限
石剝泉飛更不言

百年善政俗方純速化難期哲學神屢市簷崇大黑守

町村社饗稻荷神

大黑守猶華俗財神有大槌大黑得
鯉大黑等十餘名稱稻荷神即狐

始慕孫吳後李唐中於趙宋亦回翔祇今事事慕歐美
慕到翹髭兩角張

昨日麥黃今日青菜花濃處稻齊鉞農時五月兼三月
天氣南陰接北陰

煙鹵隨處見工場雪覆寒天軌道藏解識衛文與國意
未容靈雨止零桑

呂四呂東海氣曾山峙越後山光忽海鋪未必噓寒能變

煥已知看碧亦成朱

臥牛釜谷

臥牛函館市大山釜谷其內口之畔也

旋蠶口平館翁山建蟹

嗽若論兵家犄角勢真宜陸奧着軍艘

津輕東接太平洋中帶江流豆滿長不惜西風催去緊
曉星睽睽有光芒

伐木通山日撫夷國人漸北土人稀黛脣黑齒休相笑

烏鵲於今有是非

似婚夷女子既嫁則以針刺子脣四周染

其

松陰籐角一茅宇萬藥千蒲相向開野老應無錦步障
都疑石衛尉家來

日本海中風色愁鯨溝日夜上眉頭誰捐庫頁珍千島

同抱珠崖萬古峯

山迎西北雪餘顛冬不來航夏不田聞道年來漁業富
家家都有鱧魚船

曉來惡浪過江差夜出津輕月似磨眼底平陂真一瞬
行人不敢畏風波

布帆如雪水如藍樹裏人家水氣含憺得年年魚稻美
濱名湖住勝江南

亦覺陂陀喘汗勞回看衆壑已蓬蒿如何路轉峰逾遠
尙有雲中富士高

手枕靈松但見圖一鱗一爪有雲扶海州千載蒼龍劫

成敗憑誰論智愚

海州靈臺山龍巖香樹腹送焚死人
以為神而祀之燕香樹腹送焚死人

百釜熬波積暑霜漉沙成漚石成塼淮南馬鮑今何在

儘有豪情迨暇堂

味塗村越商野綺武吉郎愛
密好文有迨暇堂其廣百席

鄭四太曾談有馬郡旁人復侈日光山何當一策飛雲

韉十日松篁水石間

東遊初歸過狼山灣遇雨

萬里歸來旅思輕八旬涼燠數歸程洪濤軒涌岸都失
驟雨飛過山忽明時爲近鄉詢旱潦不堪聽客數科名
年來寇盜眞充斥此日江干甫角聲

寄贈日本小山春卿大阪

衛國多君子懷哉伯玉賢神明融出處豈弟見周旋獨
倚空同劍如浮大海船嚶鳴求助意寧爲友生偏

張季子詩錄卷九終

張季子詩錄卷十

自光緒三十年甲辰訖宣統元年辛亥錄七十六首

南通張 謇

悼老黃

并序

舊畜犬也中毒死或言病死之前一日余陪客廳事黃跛一足而前旋轉而臥是日由外至書房後北首而臥余見之爲檢方書市藥藥至而傭工移黃於園林隨斃以一詩悼之

吾家四犬兩黃黑

幼

時

又一

犬

一名

老

黑

後

一

黃

此

犬

名

老

黃

犬

汝

最威風過大獅闖戶常驚生脚客近牀不嚇弄頭兒

不

可

狎

唯

怡

兒

學

走

時

撫

老

隨

僕

媪

移

新

宅

死

傍

園

林

識

弄

其

頭

黃

輒

俯

首

帖

耳

故籬十四年來尤可憶迎門長及夜歸時

題揚州趙叟詩稿

由來聞趙叟安雅不歛臆身世長饒柄乾坤短褐衣吟
詩聊送日買醉亦充饑感舊應同慨虞陽墓草非

井龍頭

沂水分流北六塘頗黎始構玄中記大秦有五色頗黎工

於地在此在平岡誰知千載輪蹄脚盡碾琉璃寸寸光井龍頭以

北大道之下皆
頗黎砂甚富

微山湖

微山山外盡湖波淺漲年年有坦坡農願得田漁願水

平章勻得幾分多

利國驛

自昔徐州有鐵官東坡書在幾人看空餘磁石攤來賣
濯濯童山落照寒

房山

行盡房山接虎山紅泥白石隔林斑地有水雨餘更覺

分明好竟日征輪向兩間

五十三歲歲朝寄懷退翁唐開

屠蘇契濶阿兄談忽憶東坡五十三唱和友于聯禁省
清平軍職戀朝叅蟲蛙不分知水海蓮蕙誰能共苦甘

髮白顏蒼江海上唯應退裔兩頭庵

乙巳三月雲臺山弔龍丈人歌

昔我嘗覩龍松圖千年神物尊東胸蜿蜒膠戾蟄復起
孫枝騰逸風雲扶土人向人詫奇異儷彼狡獪精蜘蛛
徂來皇祖自正直造化孕育焉可誣雲臺崑峨鬱洲墟
群山所宮海所都逍遙廣漠遂老壽呼龍等之牛馬呼
當時阻絕出世外好事忽來陶大夫尊以丈人肅再拜
剝雲刻石大字書盛名四海日月竊奔走瞻敬來羣愚
山亦一旦上平陸拱衛屏卻蛟蠃魚狎而求者不可詰
焚香乃薦青石爐猶嫌不足盡親愛投其空腹燔其膚

庸奴俗物亦叵耐丈人况是天之徒乘風駕烟倏化去
盛怒若奮蒼髯胡我履其地窾其故循崖歷澗長嘻吁
大不中繩小不矩匠石所棄村社禱託體爲松有龍號
千網會拽沈珊瑚所恨徒爲蠅蟻死致緣文繡犧牲軀
記其妄福及妄禍六十周甲龍兒符兩江總督陶淵題
龍丈人碑在道光
壬辰樹爲火焚
在光緒壬辰丈人丈人那何許陰巖獵獵萬松攤
與曷臧久香敬銘登狼山望海樓追悼肯堂梅孫
故人陳約在黃泥觀燒猶傳隔歲詩肯堂有狼姓氏劇
山觀燒詩
成者舊傳歡嬉追澗少年時苦求耕釣誰能偶便數滄
桑我亦衰望海樓邊尋石刻傷心梅老共煙霏

借李鎮

三十年來數總兵
煙銷雲過不知名
能令士飽民安臥
獨有長沙李定明

病起

園林頻厭雨軒檻
又東風病起看新綠
春微愛落紅
偶歸家似客
憶舊稚成翁
祇有山妻解矜勞
惜瘁同

常熟相國閣中墨桂

短牋澹墨著秋鸞
想見風簾拂燭時
幾許桑田都變海
不堪重說郊說枝

師範學校祝先師歌

天佑下民作之君師黃帝堯舜道實兼之自家天下德
與位離天生孔子以師嬪姬金聲玉振集成於時時義
大哉上陶炎羲下憲文武旁綜百支大宏教育爲民墳
簞

孔子之任素王之事孔子之教忠信孝弟其所著見詩
書六藝牖民知覺俾民不昧民有知覺乃有生理賤貴
智愚廣以無類先師先師惟我孔子猗歟孔子猗歟先
師

長樂鎮初等小學校歌

大江東下海潮上潮潮都進青龍港港中有三鎮長樂

居中央二十八圩同社倉小學校開兼教養父老勿愁
荒兒童勿愁僮大家愛國先愛鄉長樂之校真堂堂
題趙忠節公臨危墨跡

慷慨當年節流傳絕命詞氣真能任酒才不盡工詩世
難仍薪火邊聲恤鼓鑿雲霄空悵望縑墨黯淋漓

題禹鴻臚之鼎所繪漁洋山人灞橋風雪圖

楊州官好傳司理菰野遺民亦有人
野謂人跌宕勝流煙

月在蕭閒餘思畫圖新滄桑有語頻聞蔡雞犬何方託
避秦正恐灞橋風雪裏相公策蹇尙逡巡

陪陳子礪提學游狼山示詩奉和兼懷梅孫肯堂

淮南江北海東頭撮此青蒼願衆流脚底滄桑千劫換
眼中薪火萬方憂故人榻在渾殊世使者車來已過秋
山睡待蘇民待歸企公辛苦念吾州
夜坐壽松堂樓上北望城壕慨然有作

城南壕水界重隄隄內高樓拂素霓老子歸來憑徙倚
兒曹笑語共提攜條條煙漏燈芒直粒粒霜澄樹影齊
一歲馳驅閒一夕頽懷愁送月輪西

題關網之直刺小象

海上蝸蟾警鷺然乙巳秋怪卿饒勝志名父禪箕裘老
去張平子新迎郭細侯飛騰覘骨相龍氣帶吳鉤

國粹保存會第三年祝典徵詩

秦火光中有伏生遺經收拾漢承明誰能戰粟綿周社
尙藉哀絃慰魯城世變九州三古絕國魂千劫一絲輕
維持自繫吾曹事辛苦叢殘已得名

吳穎之前輩屬題其先兩代孝子畫象册

高風吳季札閱世累千年故國聲名獨餘慶孝義延江
河看轉石星日自輝天瞻敬含生輩寧惟後嗣賢

德宗景皇帝挽詞

釋褐趨朝會臨軒識帝儀甫傳蟲鶴屺旋聽鹿鯤遺

耳鹿

顯身台率土憂違樂深宮孝易慈昊天號且泣誰覺舜

心悲

縱賜和戎樂寧忘在莒年經筵朝納誨宣室夜求賢善
下谿成谷更張瑟改絃庸知元祐政翻覆祗蹄筌
移柄封儲兆盈廷張脈興朝衣卿受刃斗米盜傳燈西
狩居岐僅東回奠雒應夔夔天未格積憾過嶢澠
八載瀛台住含辛爲國屯何知天子貴猶藉庶民仲疑
病頽方劇遺書作憲真瞻天更無語先盡侍宣仁

劉雪湖畫梅

明劉世儒字繼相無聲詩史謂嘗寫鐵幹回春圖費
胡元瑞胡賦詩比之爲花光長老及王元章者也光

緒甲辰得此畫適與客論畫梅遂題一詩證三百年
翰墨緣更三百年不知此畫此詩復在何許

未能免俗彭剛直三十年來人道奇寥寂山陰雪湖叟
千花萬蕊出天姿霜皮溜雨差堪擬鏡幹回春只自知
粉壁雲窻晴晝裏倦晴軒豁最高枝

已酉元夜坐華竹平安館蒨影室悼懷徐夫人二律

從來此夜儘平常燈火相依共一堂興至垞橋同步月
閒從書室爲添香森森令節談先緒每每明朝治客裝
牽兔擎獅看走馬十年喜更爲兒忙

汜休養病輒無閒拚得閒時病已孱倉卒行窩成小屋

淒涼大藥渺神山
花中路改悲遺闕
月下魂歸識舊顏
愁對一年能幾夕
不堪霜鬢日斑斑

沈梅孫方執經侍坐圖

竹箭東南秀吳興
舊有聞公卿
不慙長子弟
總能文通德
應成里傳經
當築勳尋常
三世宦龍蛇
大紛紛

蘇堪以詩扇獎怡兒因書其背

鄭君余老友
結交卅年強
其詩妙天下
鏗若聽鸞皇
有子四五人
燦燦成雁行
令各習一藝
勿爲詩所傷
詩好漫無用
不好徒啾啾
今見吾兒作
歡喜騰篇章
無乃譽人子
與其直意妨
世亂要材用
材必棟與梁
區區琢宋

稱得失皆尋常君意甚深遠兒輩安能詳譬之事博奕
聊以酬嬉荒一笑語兒子老夫詩滿箋

三月四日花竹平安館

三月三日上巳辰踰辰一日猶晚春祓除不祥蠲穢塵
貳蘭碎藥彌可珍花竹之館臨水濱歸來佳氣生坐茵
博山爐上香如雲香中縹緲莊親人使我靜對釋怨曠
回心息慮盟諸神此日此日佳哉晨

花竹平安館臨行感賦

十日平安館春鶯苦向啼圓壇花欲黯小樹業方齊來
月窗多隙生苔砌有泥祇傷人去後萬事付淒迷

夜壘寧收燕朝簾放螿蜂蛛餘三角網鶴替五更鐘往
事成今日孤懷欲萬重眼前徵物理一枕自惺忪
好義憐兒直思閒厭客頻閉門談古事留燭惜餘春霄
漢無窮矚江湖欲倦身幾時能息轍明日又風塵

離合篇

會合常苦淺別離常苦深淺深迭相代日月馳駸駸償
深以淺日其級千萬尋若爲析分寸細碎如棘針遂覺
會合畧價逾雙南金合時旣如此可知別難任良宵觀
皓月便思照汝簪清晝遇好風便思灑汝襟臨觴得美
酒便思同酌斟悅目得佳卉便思同謠吟栖栖行旅夕

孤懷纏枕衾鍾期山水曲千載獨牙琴嗚呼往哲論人貴相知心

無題

百果千因未足奇空山生木木生枝觀空施報何恩怨聚有摧傷况別離填海鳥銜無語石同宮蠶抱互維絲可憐苑左關心處已在隄西盡目時

四月初六日夜國秀亭望新月

八角虛亭石抱圓初更風嫩露涼天不嫌泥看生明月月到生明已可憐

此君亭上三年事伉儷清談坐月時

丁未元夜與徐夫
人坐此亭焚香

月反舊影新痕愁絕處世閒惟有月能知

祥祭徐夫人後傷感而作

四序有代謝荏苒忽改歲去年三月中往復走江滌延
醫與之歸藥力終不濟坐聽死別言一抱訣淚皆自以
忠恕心收攬舉家涕送子歸新阡近與翁姑麗淒淒風
露宵松柏未能蔽悲來塞肝腸戚戚况臨祭

自昔慈母喪內政惟子賴前年府君歿綢繆及闔外僮
量約米鹽備畦課菘薤平亭戚里爭時雨豁冢塋嗟余
役津梁三十有五載還家若旅居出入冬春代嗟子不
讀書意量高百輩細與道家常大與說世界微言恆啓

予天懷翕沆瀣

三年積木石西垞營新居首尾十閱月朝夕監視劬成
我尊素堂展我扶海輿繞垞樹佳蔭行行列桑榆前庭
雜花藥中庶羅圖書後堂機與杼旁舍鷄羊豬一一副
余命子才亮有餘今余緬所歷一物一晷嘘一事一忡
惕余貊安得腴

四思篇

思江東江東采芙蓉芙蓉須待秋來紅病條悴葉難爲
容願得一心人白首能追從

思江西江西采卷施卷施之心赤如脂拔心不死誰使

之願得一心人白首不相離

思江南江南采茜藍茜藍洗多顏色慙青青紅紅生二
三願得一心人白首同苦甘

思江北江北采蓮葍蓮葍落時鳥來食葍心之苦誰與
惜願得一心人白首任危急

夜至天生港

孤月隨人別路明驚回別夢是江聲千愁萬恨憑誰說
化作空煙一片橫

歸常樂口占

日薄雲稀雨漸晴扁舟解纜欲東行懸知汽笛三聲咽

中有人人送客情

齋庵

七日黃梅雨時時愛齋庵
落花頻去穢園果尙留
甘詩筆因人發爐香與佛
參乘除無限感方寸付誰
諧

平安館寄衣至滬

孤樓燈火夜蕭蕭千里書
來道路遙知我無窮相感
意一回好語一魂銷

孤樓獨坐夜寒天檢點冬
裘付使傳若把心腸較寒
暖心腸煖過百重棉

感事

世上風雲若可驚人心矛戟幾時平老夫一笑渾閒事
夜半霜天看月明

夢中有曉行詩足成

獨客西風裹單車趁早曦雁馱殘雪臥鴉啁斷水飢

句二

詩中地僻邨無警年豐戶盡炊元黃天地事野老不曾
知

海上雜感

雲頭萬雨絲隨風任飄灑一絲首無尾忽落隄內或隄
外內與渠水相滌洄外逐潮流東入海風也誰爲之雲
無憎與愛

葛蘿附松柏本來不同根不如桑寄生根與桑爲因得
桑之氣與桑存綢繆堅苦冰霜魂

辛亥元月十八日怡兒生日在平安館

往歲兒生日有時余在家夫人治麵饌督婢簡芹芽禮
先祀必祝喜色顏有加晚燈爲兒張年鼓令兒撻以此
慰余懷余懷亦良嘉今晨花竹館風雪交簷牙苑竹偃
凍葉庭梅吐新葩獨坐對舊影有若明鏡花早知真亦
妄况乃生有涯世上兒子輩儼忽成龍蛇老夫心冥冥
微旨參釋迦爐中一縷香氤氳橫紫霞

與金滄江同在退翁樹食魚七絕三首

昨日刀魚入市鮮忽忽先上長官筵如何頓得非常價
江上春寒過往年

王字河心水不波霜頭雪尾網來多漁人不惜終宵苦
臥醒時聞打漿歌

新城城外港通潮蚌味清腴晚更饒一勺加薑如乳汁
冒寒應爲退翁消

二月十二日賦得月

去歲今宵月分明尙在天看從殘柝裏照入落梅邊隱
魄難瞞死星光且向圓欲將雲蔽汝風力滿空堅

幕隳堂下梅華柏秀喜而有作

東坡先生詩集卷十一
一年幾度來看汝梅也芳妍柏也高或者婆娑娛我老
大都期許等兒曹冰霜已脫母忘戒斥鹵能春足自豪
更與商量憐護法培泥襯石不辭勞
慕歸堂雨中看梅

江南梅落盡海上忽驚奇已近清明節爭開爛熳枝地
偏標勝瘁天厚得春遲一笑成今昔茅黃葦白時

柳母挽詞

爲柳生翼謀作

白門英彥共論才柳子清通衆所推母教劬從寬杖受
父書苦爲鑿盈開客游頓斷身衣線孺泣長擎口澤栝
一頁成均成底事當年我亦不勝哀

此君亭小坐

僻地常留凍虛亭易受陰溪風寒瑟瑟林月皓森森傾
否無寧世恒勞有蟄心斯須珍一憩不及在巢禽

營博物苑

濠南苑圃鱗鱗彬風物駢駢與歲新證史匪今三代古
尊華是主五洲賓能容草木差池味亦注蟲魚磊落人
但得諸生勤討論徵收莫惜老夫頰

女師範學校歌

人生必有家家政賴女治女知向學明義禮相夫教子
可與古之賢母令妻比養成賢令材道從師範始師有

範兮範女子

通州女師範乃在城之東名園盤珠媚講席開春風春
風馳蕩百蟄融園中卉木新葱蘢女子有學兮欣欣棣
通女子有學兮邦家之隆

辛亥人日立春

去年人日有來人今日人歸但見春臘盡苑梅含小凍
晴初陌草帶微塵銀幡綵勝誰家事茗碗香爐獨坐晨
容得老夫閒幾日又添霜鬢幾絲新

爲劉葱石參議題翁覃溪畫金剛經塔

藏海紛綸徵妙義聞者大半南朝人當時易代若兒戲

兵革烽火連江津盜賊自作富貴孽溝壑塗炭何辜民
祈福來世作妄想夢蟲自惹生不辰佛言我亦歷億劫
方其劫時無怨嗔不然種種極樂事享受何必金剛身
國初自經文字獄刀筆毒螫縉紳學風一變事考據
或逃於佛敝世尊寫經釋典博雅譽覃溪學士尤殊倫
今觀此書證葉刻巧慧頗亦勞精神寰海清夷日月曙
官家自數乾嘉春藝事瓌細卽勿道士有餘暇寧不真
吁嗟小雅詩人生世早不知有佛乞命歸陶輪

清明舟中

海上客盡去清明我亦歸乘潮浮牒子犯雨斜簷衣累

病衰方覺長征願豈違行遲三十里桃李已芳菲

題農場核桃樹

核桃樹顛而粵夷墟刺莽樹獨留農場啣啣西南陬
庭前繡毬盛開海棠餘紅三五而已徘徊其下感而賦
之

一春花事爲誰忙歸向花前始自傷能爲白頭娛晚景
亦憐紅粉洗華妝層層團雪融新月縷縷禁風媚夕陽
同是八年親手植扶疏看已出簪強

題尊素堂後石

曾向山中守白雲江湖日夕靜相聞移來尊素堂陰下

分付梅花伴石君

爲朱桂卿同年弟七子題卹午飯香圖

復翁

桂卿晚年號

七十謝明光重見都門各老蒼但與邱山

數朋輩不禁人世貿滄桑大兒能潔官錢養季子還知
卹飯香大好門才娛晚景開圖歎笑說高陽

單太夫人桂陰課讀圖爲束筮主事作

丹桂庭前有碧陰一花一葉向冬深應教題作慈恩樹
留與兒孫識此心

弔鶴

海東有雙鶴
嗚嗚青田姿
韓猶備落日
軒然來皇畿

產鶴

鮮飲清而鳴高曾伴松禪栖人事一朝變遂與劉相依

鶴故畜於虞山相國京邸成茂孫余營博物苑物色羽相國罷官以贈黃池劉聚卿觀孫

族儀劉君爲擇地筠籠隔江貽鄭重復鄭重感系友與

師花竹爲汝媚魚稻爲汝糜霜晨月夕候長唳相參差

盤旋作小舞雪翻相高低自題荷影室苑中花竹平安

典而築館甫成而夫人影因臨汝獨懷悽爲汝建新柴

廣以疏梅籬謂可適汝偶不苦常戀羈豈意忽僮約餌

石傷不知丹揚上皇側分張殞其雌主者不知鶴病矣

有石屑撮許蓋新柴石工所遺兒書遠來告中有傷心

之屑屢雜食料中不能化也詞不鳴不嗜食言汝逾旬期歸來重臨視隻影窺清池

有語不能致汝臆余知之汝其養千歲相慰歸休時

